

傷寒緒論卷下

長洲石頑張 璐路王又暴述

發熱

發熱多屬表證。傷寒寒鬱肌表。則腠理閉密。故翕翕發熱。捫之烙手。當以脈之浮紫浮緩證之。無汗有汗。分風寒。營衛施治。若汗不得出而煩躁者。營衛俱傷。陽邪內擾也。大青龍湯。若尺中無力者。此為本虛。小建中湯加減。○凡服表藥三劑。汗不出。熱不止者。死。然有陽微不能作汗者。可用再造散。或黃耆建中加附子。血虛加芍藥。始能作汗。此皆冬月發表藥也。若汗下後惡寒脈弱。大便不結者。屬虛。宜溫補助陽為主。○寒邪傳裏而變熱。則蒸蒸發熱。此即本身中元氣為寒所鬱。不得泄而化為火也。若裏證具而表證未已者。大柴胡湯。表證既罷而裏證已急者。三承氣湯通用。○三陰經寒證。太陰厥陰俱不發熱。惟少陰病有反發熱。脈沉者。此非傳經。乃直中少陰。而仍兼太陽。故能發熱也。○春分以後。雖感寒邪。皆為非時暴寒。不必拘於傷寒例治。古人治感冒諸方。如芍藥神術等。皆不分三陽經藥。以時屬少陽風木。不獨太陽寒水也。○夏月汗府疎豁。偶感微寒。發熱必心包先受。消暑十全證也。○秋涼發熱。咳嗽宜金沸草散。甚則小青龍湯。若交霜降節後。即屬正傷寒矣。○其或冬時遇暖。而病發熱。心煩咽痛。或自利者。為冬溫。陽旦湯證也。○凡春時發熱。頭疼煩渴。飲水為伏氣發溫。○春夏發熱。而脈大無力。為夾內傷。○發熱而脈細小或虛。足脛逆冷。而陽縮入腹者。為夾陰。○發熱。脈沉小或短澀。而足冷陽縮。兼腹滿或痛。為食鬱。雖夏月不妨用薑桂。使溫煖之氣助其陽和。并食亦得消散。雖有表證。慎不可純用表劑。升其虛陽。亦不可過用消導。引邪內犯。○有食積發熱。則胸脇煩熱。熱則顛脹。復有瘀血發熱。則脇下或少腹痛不可拊。又有陰虛發熱。必夜熱晨涼。若瘡瘍初起發熱。必有痛處。並不可誤施汗劑。○其脈陰陽俱虛。熱不止。大汗後身愈熱。下利煩躁。熱不止。汗下後大熱。脈躁亂者。皆不可治也。

孫兆治一道士發熱。汗出驚駭。身戰掉欲擗地。有欲發汗者。有欲作中風治者。有欲以涼藥解之者。孫曰。此太陽經欲解。腎氣虛不能作汗。所以心悸目眩身戰。與真武湯三服。微汗而解。

頭痛

昔人以頭痛專主太陽。殊不知三陽經各有部分。如太陽頭痛。自腦後上至顙頂。下有項強腰脊痛之異。以太陽經脈行身之後也。當辨中風傷寒汗之。○汗後頭痛如破。此轉屬陽明也。○風火相煽。頭痛如破。諸藥不效。愈表愈痛。痛連肩脊者。選奇湯證也。○陽明頭痛。上連目珠。痛在額前。兼鼻孔乾。下有身熱不眠之分。以陽明經脈行身之前也。○少陽頭痛。上至兩角。下有耳聾脇痛之殊。以少陽經脈行身之側也。○三時感冒。皆有頭痛。當從芍藥黃芩蘇葉選用。○三陰經至頸而還。惟厥陰之脈上巔與督脈會。故有頭痛。上則巔頂收引頭痛。下有脈沉弦細手足厥冷。此為在經。當歸四逆湯。若在裏則乾嘔吐涎沫頭痛。吳茱萸湯。○太陽中濕。則上有鼻塞吐痰。下有腹滿自利。○少陰中寒。上則入連腦齒。下則煩躁爪甲青。此真頭痛。不治。○陽明熱蒸頭痛。必小便黃赤而短數。調胃承氣湯。○太陽脉沉身熱。頭痛為失陰。黃耆建中湯。若誤汗不差者。四逆湯溫之。○太陽證下之。頭痛未除。督寒面青。指頭微厥。復發熱者。為表邪內陷於陰分。雖頭痛發熱。不可用表藥。宜竹葉石膏湯。○冬溫發熱頭痛。心煩咽痛。自利。陽旦湯。○溫病熱病。時行疫癘。初起頭痛。皆不可用表藥。宜黃芩白虎加蔥豉。或葛根葱白湯以治外。涼膈雙解達原承氣加蔥豉薑棗。合內外而治之。裏氣一通。頭痛自愈。○內傷火炎。新產血虛。皆有頭痛。但時痛時止。而無腦後痛者。益火火炎則痛自兩角。血虛則痛連魚尾。以其自內達外。故必行少陽部分。是以頭痛見兩角者。則有少陽風熱與虛火之別。若見額前者。亦有陽明與食積之殊。其見腦後者。必太陽外感無疑也。

頭重

濁陰寒濕之邪。上干清陽之位。故使頭重。○頭重惡寒。項強不能舉者。屬太陽。汗之則愈。○若陰陽易。頭重眼中生花者。道遙湯下。燒視散。○若眩暈而頭重不能舉者。此雖夾痰。亦屬氣虛。導痰六君選用。

頭脹

頭脹者。氣虛火炎也。冬溫風溫濕病熱病。時行中暈中暑。多有頭重脹痛。皆是濕熱火氣內燔。慎不可用發散藥。如冬溫陽旦湯。風溫姜桂湯。溫病黃芩湯。熱病時行中暈。白虎湯。中暑清暑益氣湯。此皆傷寒家切務。其他濕痰飲食積。疰夏等。俱有頭重脹痛。乃屬雜證。此不復贅。

項強

太陽之脈從頭下項連風府。故項強為太陽表證。然項強八八如凍烏縮頸。欲伸而不能自如者。此胃氣不得上升。乃邪將犯陽明之候。若汗出惡風者。桂枝加葛根湯。無汗惡風者。葛根湯。○項強連脇下滿。身熱惡風。手足溫而渴者。為邪干少陽。小柴胡湯。乃知項強多兼陽明少陽。不可執認太陽也。○又結胸證。項強如柔痙狀。此裏實證。以背為胸之府。背強項亦強也。急下之。○天行時氣發熱。至晚則腰脊痛。頭項強。身重。輕則涼膈。重則雙解。並加葱白香豉。○寒濕項強發熱。及過汗。經虛生風。發痙。與陰毒項強。治法詳總論中。

惡風

傷風惡風。見風則怯。密室之中則不惡也。蓋風為陽邪。必傷衛氣。衛虛則腠理疎而自汗。汗去則脈浮緩也。是以桂枝湯專主自汗發熱惡風之證。然寒傷營亦有惡風無汗而喘者。蓋惡寒則有陰陽之異。惡風惡寒屬於陽。故惡風未罷者。必當先解其外也。○若發汗太過。衛虛亡陽。遂漏不止。惡風。桂枝加附子湯。○風濕熱病。寒疫內傷惡風。詳總論中。

惡寒

傷寒惡寒。雖身居密室。猶自憎寒。拘急甚。則寒慄鼓頤。向火不能遏其寒。非若寒熱之惡寒。熱至則不惡也。如已發熱。則身熱不欲去衣。由陰氣上入陽中。或陽微。或風虛相搏所致。惡寒一切屬表。雖裏證悉具。而微惡寒者。猶當解表。俟惡寒已。乃可攻裏。故先惡寒而發熱者。為外惡寒。為陽病。在陽宜發汗。然尺中遲弱者。慎不可汗。當用黃芪建中湯。○若太陽證犯本。惡寒發熱未除。渴而小便不利者。五苓散。先服一半。探吐之。發汗後惡寒為虛。芍藥甘草附子湯。○若下利惡寒。手足溫者。陽邪內陷於太陰之經也。小建中湯。○下證悉具。而微惡寒。及下利惡寒。時時自煩者。為陽邪內伏。並宜大柴胡湯。○結胸證微惡寒者。必先用桂枝湯解表。然後用陷胸湯下之。若表不解而便攻之。表邪復結。其證必危。故結胸有一毫惡寒。不可下也。○若初起惡寒。踴臥脈沉者。為內惡寒。為陰病。在陰則宜溫。雖夏月亦須薑附。輕則理中。重則四逆。若當盛暑。須參大順。冷香漿水等治之。○少陰病。惡寒身踴而利。手足厥冷。煩躁脈不至。及四逆惡寒。不煩而躁。皆死證也。○經曰。發熱惡寒發於陽。無熱惡寒發於陰。尚何疑哉。○溫熱時行惡寒。詳總論本例中。

石煩治玉峰陸去非。繼室嘉平患惡寒。周身骨節皆疼。飲食不入者已三日。而惡寒未止。全不發熱。診其六脈悉

緊而細。詢之平日起居飲食絕少。雖暑月不離複衣。知其素稟虛寒而不能發熱。洵為太陽寒傷營證無疑。但從來極虛感寒。無正發汗之理。乃以黃耆建中製生附汁於膏內。以助衛氣。一服肢體即溫。但背猶惡寒不止。更與補中益氣十全大補。並加熟附而安。

背惡寒

人身背為陽。背惡寒者。陽虛之驗也。然陽氣內陷。亦有此證。是以背惡寒有陰陽之異。若風寒在表。則一身盡寒矣。但背惡寒者。陰寒氣盛。可知以陰氣不能消耗津液。故少陰病二三日。口中和背惡寒者。宜附子湯及炙氣海。○熱病初起。口燥心煩。而背微惡寒者。此陽氣內伏於陰中。肌表之陽不勝邪。及陽明中暈。俱有是證。以陽邪內消津液。故煩渴引飲。並宜白虎加人參湯。若誤認陽虛而用溫藥。必致斑爛不救也。故曰口中和。知其內有熱。口中和。知其內有寒。此理皎然矣。○勞役內傷背惡寒者。必寒一陣。止一陣。為陽虛內熱。東垣升陽散火湯。○又濕痰證。亦背惡寒。必肢體重痛。導痰湯加減。○若寒熱屢作而背惡寒。脈來弦數。身有痛處者。為發癰疽之候。

寒熱

傷寒寒熱往來者。邪正分爭也。表邪欲入。而正氣拒格。陰陽相勝而作也。然寒熱往來與寒熱如瘧不同。如瘧則作止有時。往來則作止無時。有日二三發者。傷寒寒熱往來。雖專屬少陽經。亦有兼太陽陽明者。邪居表多則多寒。邪居裏多則多熱。然治法專用小柴胡湯。隨證加減。寒多增桂枝。熱多倍柴胡加芍藥。寒多而脈虛。去芍加熟附。熱多而脈實。去參用大黃。○凡少陽證。必先與小柴胡湯和之。服後不解。若其脈反浮者。當與柴胡桂枝湯。使其邪從表而散。若脈加數者。當與大柴胡湯。使其邪從裏而去也。○有元氣寡弱之人。素挾痰鬱。略有動作。勞傷。則憎寒發熱。有似傷寒。其脈弦數無力。腋下及臂或腿縫中有核腫痛者。謂之勞發。切勿汗下。宜補中益氣加降火清痰藥。輕者周時微汗自解。

如瘧

如瘧者。作止有時。非若寒熱往來之無定也。病二三日。寒熱往來有時而作。脈浮洪者。此太陽似瘧也。若熱多寒少。尺脈遲為血少也。○若日晡時作。汗出而煩。脈實者。此陽明似瘧也。○陽明少陽合病。日晡寒熱如瘧者。大柴胡湯。

○若六七日發熱惡寒。古不短囊不縮脈浮緩者。此厥陰似瘧也。為欲愈。小柴胡湯加桂枝。○大率往來寒熱不離少陽。不拘日數多少。邪氣淺深及婦人熱入血室。並宜小柴胡湯加減。○太陽病八九日如瘧狀。一日二三度發為欲愈。

潮熱

陽明旺於未申。故日晡潮熱。一日一發。如潮信然。傷寒邪入陽明胃府。為邪熱內結。故可用承氣攻裏。凡欲攻裏。須病人脈實有力。再當審臍下有鞭滿結痛處。及問平昔有無動氣。量輕重施治。○發於寅卯者。屬少陽。發於巳午者。屬太陽。皆不可下。俟表證已方可攻之。○潮熱而嘔。胸脇滿。盜汗出者。不可下。柴胡桂枝湯。○潮熱而脇下汗出。為膽實。大柴胡湯。手足心汗出者。為胃實。大承氣湯。二處無汗。為結未實。尚宜小柴胡和解。俟結定攻之。

無汗

風暑濕三者。干人皆衛氣受病。惟寒則營血受傷。腠理緼密。津液內滲。陽邪有餘。故身熱無汗而喘也。蓋邪氣在表。重蒸腠理。則汗出。今邪不外蒸。必傳入裏。急用麻黃湯汗之。若惡風項強者。葛根湯。緣邪漸次入陽明經也。○陽明病無汗。小便不利。慎懷者。必發黃。若渴欲飲水。小便不利。無汗者。為犯本。俱宜五苓散。有飲水內畜而無汗。桂枝去桂加茯苓白朮湯。○有脈遲無陽。不能作汗者。桂枝麻黃各半湯。○若溫熱病無汗。黃芩白虎三黃石膏選用。熱病發狂。有汗者生。無汗者死。○成無己言。三陰為病。不得有汗。朱奉議亦云。三陰與陰陽易皆無汗。而仲景厥陰例中。大汗出。熱不去。內拘急。四肢疼。下利。厥逆而惡寒者。四逆湯主之。又陰毒則額上及手背冷。汗不止。為亡陽將脫之兆。素問云。陰氣有餘。為多汗。身寒。由是言之。則三陰不宜有汗。非三陰皆無汗也。

自汗

太陽中風。不由發表而汗泄。謂之自汗。以風傷衛。則表虛不能自固而汗。故用桂枝湯散邪以實衛也。然濕氣傷於脾。暑氣傷於心。皆令自汗。惟冬月寒傷營。則發熱無汗。若始本無汗。四五月後。忽然自汗出。此寒邪傳裡而變熱。知邪已入府矣。凡傷風則惡風自汗。頭痛發熱。若裏證自汗。必煩躁惡熱。不惡風寒。迥乎不侔也。○又太陽經邪犯本。則汗出而渴。小便難。○陽明經證。則頭目痛。眉棱骨疼。而自汗。○陽明府證。則腹滿自汗。當詳審治之。○有汗後惡

寒汗不止為表虛黃耆建中湯并用溫粉撲之○有汗多亡陽不止者桂枝附子湯小便少者加茯苓○若陰證自汗必身冷感逆經云陰氣有餘則多汗身寒四逆湯甚則加人參○溫病誤服表藥大汗出煩渴不解脈洪大者白虎湯○若傷濕則身重自汗中暑則脈虛自汗中暈則煩渴自汗濕溫則妄言足冷自汗風溫則鼻衄自汗霍亂則吐利自汗內傷勞倦則氣口虛大身熱自汗柔痙則搐搦自汗治法各詳總論中○若發熱而利大汗出熱反盛狂言不食及汗出如油喘而不休汗出如珠者身不流柔汗發黃環口黧黑者皆不可治

石頑治郭君升子素孱弱有失血證五月間患時行疫癘壯熱昏憤煩渴引飲自汗如蒸其脈時洪大時減少或用發散和解之劑躁熱轉劇不得已懇治於余用人參白虎調胃承氣隨其脈之浮沉邪之出入相間而施凡兩汗三下所下皆黃水至第四次用黃龍湯始得結實五六枚周身大汗熱除而痊若礙其體虛而怯於攻擊則邪熱彌熾元氣日燼烏能保有今日乎

盜汗

盜汗者睡即濺濺然汗出覺則止而不復出矣蓋邪居於衛而欲入睡即衛氣行於乘表中陽氣不綴津汗得泄故但睡而汗出覺在氣散於表而汗止矣故雜病盜汗責於陰虛血熱傷寒盜汗責在表半裏為膽有熱故專用小柴胡湯若脈浮緊潮熱盜汗柴胡桂枝湯經云微盜汗出反惡寒者表未解也○又陽明病當作裡寔而脈微弦者必盜汗出○又三陽合病目合則汗熱病白虎湯傷寒小柴胡湯○溫病熱病得汗後大熱除而盜汗出及時疫下後盜汗不止身有微熱俱宜小柴胡去參半加橘皮

頭汗

三陰之症皆至頸胸中獨三陽經上循於頭故頭汗出身無汗刺頭而還乃陰陽不和邪居表裏之間故有是證當以小柴胡湯和之然瘀血發黃水氣三證亦有頭汗當以證辨之蓋瘀血頭汗則小便自利大便色黑發黃頭汗則小便不利發熱而渴水氣頭汗則胸滿喘咳若半表半裏則往來寒熱亦有微惡寒手足冷脈沉者○大抵頭汗雖主少陽然屬陽明濕熱不得發越者最多至若額上汗出而腦後無汗者定屬陽明無疑○頭汗多有裡實證故頭汗而腦下滿大便堅者大柴胡湯頭汗譫語者調胃承氣湯○若頭汗而心下懊憹者為虛煩梔子豉湯○下血而

藏語頭上汗出為熱入血室小柴胡去參加當歸桃仁丹皮○凡頭汗出不得小便者不治經云關格不通不得尿頭無汗者可治有汗者死○濕家誤汗額上汗出而喘小便難大便利者為陽脫經云濕家汗之額上汗出小便利者死下利不止者亦死以陰陽上下俱脫也

孫兆治一人頭汗手足冷心下痞悶大便秘脈沉緊或者見其四肢冷又汗出煩悶以為陰結孫曰大便結非虛結也安得為陰按少陰多有自利者今脈雖沉緊不得為少陰證此在丰表半裏投以小柴胡湯而愈此一段正是仲景議論處意謂四肢逆冷脈沉緊腹滿全似少陰然大便秘頭汗出不得為少陰蓋頭者三陽同聚若三陰經則至胸而還今有頭汗出是似陽虛故曰汗出為陽微若少陰額上冷汗則為陰毒矣

手足腋股汗

手足汗出者為熱聚於胃胃為津液之府以熱蘊於內故津液旁達也凡傷寒日晡潮熱手足戰戰汗出者為胃實若手足心腋下戰戰然汗出者為兼少陽實熱也大柴胡三承氣選用然亦有屬胃中寒者經云陽明病不能食小便不利手足戰戰然汗出者此欲作固瘕大便秘初鞭後溏此胃中虛冷欲溏泄也當知此汗必冷宜用理中溫之不可概以為胃熱也

東垣治一人脚膝痿弱下尻臀皆冷陰汗臊臭精滑不固脈沉數有力為火鬱於內逼陰於外也精氣不固者髓中混以濕熱也以小柴胡去參加茯苓膽草黃蘗苦寒瀉之而愈

煩熱

煩熱為鬱悶不安火熱不得發越之象不經汗吐下而煩熱者為太陽表證經曰病人煩熱汗出則解如未作膈實當和解而已若心下滿而煩則有吐下之殊煩熱自汗而渴屬陽明煩熱脈弦喜嘔或煩而不嘔屬少陽不可不辨汗下後六七日不大便小腹滿而煩或胸中痛而煩熱喘逆者為有燥屎大承氣湯急下之○若四五日鼻乾目瞑脈數而煩者為欲衄黃芩湯加柴葛枳桔生地山梔清解之○凡傷寒六七日手足三部脈皆至大煩而口噤不能言其人躁擾者為欲作汗解差後虛煩不得眠竹葉石膏湯差後得食而煩損穀則愈有內傷勞陰火動而時煩時靜不可誤認外感而施汗下也凡服藥後煩悶不安頭面髮際遍身發癢者謂之藥煩此胃虛不能勝藥

力也與熱薑湯徐徐呷之藥中宜加用生薑以行胃氣自安

煩躁

煩熱悉屬三陽煩躁則有陰陽之異蓋心熱則煩腎熱則躁煩者心胸愠怒如有所觸外不形現為熱尚輕躁乃手足動掉若無所措內外不寧為熱最劇○有太陽表證發熱頭痛惡寒不汗出而煩躁者大青龍湯○有太陽裏證渴欲飲水而煩躁及無熱但狂言煩躁者並宜五苓散○有表證罷而不大便煩躁者此陽明府實三承氣選用○有汗下不解而煩躁惡寒者此為虛寒茯苓四逆湯○有脈數心煩而躁至夜不寧者為血虛芍藥甘草湯○有晝日煩躁至夜安靜者為陽虛乾薑附子湯○有誤用薑附而煩躁虛則升陽散火實則黃連解毒若躁極脈亂者勿治也○有少陰病吐利手足厥冷煩躁欲死者吳茱萸湯○有陰盛格陽脈沉細而疾渴欲飲水躁極悶亂者此水極似火也用霹靂散并以火熨之進熱藥而燥反甚此藥力未到不可遽用寒涼使陽氣益消則死宜再與熱藥協濟之○有溫病熱病時疫溫疫表裏俱邪三焦大熱煩躁大渴者白虎解毒涼膈雙解承氣三黃石膏膏選用○有少陰病六七日無大熱或厥逆自利不得汗脈沉數而煩躁者黃連阿膠湯○凡不經汗下而煩躁者為實汗下後煩躁為虛結胸證悉具而煩躁發熱下利厥逆而燥不得眠少陰吐利躁煩四肢惡寒身腫脈不至不煩而躁者皆死證也節菴治一壯年夏間勞役後食冷物夜臥遺精遂發熱痞悶至晚頭額時痛兩足不溫醫不知頭痛為火熱上乘足冷為脾氣不下誤認外感夾陰而與五積汗之則煩躁口乾目赤便秘明日便與承氣下之但有黃水身強如瘰癧煩躁轉劇腹脹喘急舌胎黃黑已六七日矣診其脈六七至而弦勁急以黃龍湯下黑物甚多下後腹脹頓寬躁熱頓減但夜間仍熱舌胎未盡更與解毒湯合生脈散加地黃二劑熱除平調月餘而安 戈存橘治一人大熱八九日已經汗下而熱不退煩躁目赤拘急沉重六脈洪盛曰此熱在三焦閉塞經絡津液管衛不通也以三黃石膏膏加辰砂末連進三服而愈 喻嘉言治一人傷寒六七日身熱目赤索水至前而不能飲異常大躁門牖洞啟身卧地上展轉不安更欲入井醫欲以承氣與之診其脈洪大無倫重按無力此陽欲外脫外顯假熱內有真寒敢以純陰之藥重劫其陽乎觀其得水不欲嚥情已大露而反可嚥大黃芒硝乎天地燠蒸必有大雨此證頃刻一身大汗不可數矣於是以大劑人參薑附甘草煎成冷服服後寒戰憂齒有聲陽微之狀始著以重綿和

頭覆之更與一劑微汗熱退而安

懊懷

傷寒表證誤下。正氣內虛。陽邪內陷。結於心胸之間。鬱悶不舒。輕則虛煩懊懷。重則痞滿結胸矣。邪在膈上則宜吐。熱結胃府即宜下。不可拘也。○發汗吐下後。虛煩不得眠。劇者必反覆顛倒。心中懊懷。與陽明病下之。其外有熱。手足溫而不結胸。心中懊懷。及舌上胎滑。飢不能食。頭汗出而懊懷。三者皆邪熱鬱於胸中。並宜梔子豉湯吐之。○下之後。心中懊懷而煩。為有燥屎。○下後短氣煩躁。膈中拒痛。心中懊懷者。為結胸。○陽明病。身熱無汗。口燥渴。大小便不利。心中懊懷。此為濕熱。必發黃。○溫熱病懊懷。為熱毒蘊於膈上。涼膈解毒選用。口燥呻吟錯語不得眠。五苓散合黃連解毒湯。

江應宿治傷寒十餘日。身熱無汗。怫鬱不得卧。非躁非煩。非寒非痛。時發一聲。如歎息之狀。乃懊懷怫鬱證也。投以梔子豉湯吐之。治其懊懷。再以大柴胡下之。治其怫鬱而安。

身體痛

傷寒身疼脈浮。則為太陽表證。以寒氣襲於經絡之間。故惡寒無汗。而骨節煩疼也。必用麻黃湯辛熱發表。令氣血流通而愈。若自汗脈浮緩者。則腠理開泄。雖發熱而身體骨節不疼矣。若傷寒身疼。而見尺脈遲弱者。此為氣血本虛。不可驟表。當先用黃耆建中溫之。然後發表可也。○有汗後身疼脈遲者。此陽氣虛也。新加湯。○有發汗吐下後身疼不休。表證不解者。仲景必與桂枝湯。以汗吐下後。津液內耗。雖有表邪。止宜桂枝調和營衛。不可復用麻黃也。○有太陽表證具。而身疼頭痛。脈不浮而沉遲無力者。此真陽內虛。不能勝任麻黃。當與四逆湯溫之。○有裏證身疼者。乃直中裏證。非傳經裏證也。若傳經裏證則屬熱。熱主血行。又何有身痛哉。然直中身疼者。寒氣直入於裏。陽已內衰。不能外通。而氣血凝滯。故令體痛。宜急溫之。凡有頭痛發熱而身疼如縛者。表證也。無頭痛發熱而身疼如杖者。直中也。○有少陰病。脈沉手足寒。身體痛。骨節疼。口中和背惡寒者。附子湯。○有少陰下利清穀而身疼痛。急當救裏。然後治表。○有陰毒身痛如被杖者。有瘀血一身盡痛。而發熱面黃者。有中濕聲重鼻塞。一身盡重而痛者。有風濕一身盡痛。惡風不欲去衣。汗出小便難者。有內傷勞倦。脈虛倦怠。而肢體煩疼者。各詳總論本例中。

石頑治梁谿吳公益患傷寒發熱頭痛先曾服過發散之劑而致面赤戴陽四肢逆冷周身骨節大痛脾腰與小腹相引急痛莖縮入腹囊冷如冰飲食不入時時煩躁而渴勢已瀕危諸醫令具後事矣余診之脈雖洪大鼓指而按之漸小無力曰此真元內虧陰火不歸而遊散在上在外也遂與四逆加參耆下黑錫丹二劑上熱頓除下體漸溫惟周身痛楚不減繼與大建中人多養榮調理而痊

拘急

四肢為諸陽之本寒邪客於經絡之中故使拘急不和也有因發汗亡陽津血內竭不能榮養筋脈而屈伸不便者有陽氣內衰不能行於四末而拘急疼痛者大抵有發熱頭痛骨節疼而四肢拘急為表證無身熱頭疼而踞卧不伸四肢拘急者為陰證若汗下後筋惕肉瞤而見拘急不仁者則為氣血虛弱也○脈浮自汗出小便數心煩微惡寒脚攣急不可與桂枝湯當與黃耆建中湯○發汗後惡風小便難四肢拘急者桂枝加附子湯○吐利後汗出發熱惡風拘急屢逆及直中陰經屢逆拘急並宜四逆湯

心下滿

心下滿者謂正當心下鞭滿乃病在氣分邪將入裏而未入也若下早表邪入裏而滿者則為痞也○凡心下滿以手按之散而濡者此虛氣也若按之汨汨有聲而軟者有停飲也若按之鞭痛者有宿食也若按之痛而其人善忘者有畜血也治法各具本條○陽明證心下鞭滿者不可下以邪在氣分也下之利不止者死利止者愈○又曰脈浮而大心下反鞭有熱屬藏者攻之此燥屎逆上攻脾也調胃承氣湯

胸脇滿痛

胸脇滿者為胸脇下氣塞滿悶非心下滿也邪氣自表傳裏必先胸膈次傳脇下而入胃府是以胸滿多帶表證脇滿當半裏也○太陽陽明合病喘而胸滿者麻黃湯則知胸滿屬表而須發汗也○又太陽病下後脈促胸滿者桂枝去芍藥湯以病在衛氣芍藥入營故去之○太陽病不解傳入少陽脇下鞭滿嘔不能食往來寒熱脈須沉緊只宜小柴胡和解之若舌上有白胎雖不大便不可下本方去參加橘皮○傷寒七八日下之胸滿驚煩此邪氣乘虛而入少陽之本也柴胡加龍骨牡蠣湯○大抵胸脇滿為邪初入裏氣鬱不行之候只宜柴胡枳桔和之若邪氣留

於胸中為實則宜吐也。經曰：病在胸中當吐之。○若發熱咳嗽胸滿而兩脇痛如挫者，此邪熱挾濕痰攻注也。小柴胡去參半加枳殼、桔梗、蔓杏、仁白芥子、竹瀝薑汁。○若心下滿，其人曾閃挫，大便秘而脇下刺痛者，此有瘀血也。桃核承氣加枳、桔、柴胡，不應加生附子。○脇下偏痛發熱，其脈緊張，此寒也，以溫藥下之。大黃附子湯。

痞

痞者痞塞不通之謂。以下之太早，虛邪內入而為痞。故胸中但滿而按之不痛也。有表證未解者，又當柴胡桂枝等解散。然後用瀉心等劑。○有汗解後，心下痞鞭，腹中雷鳴下利者，此胃中不和也，生薑瀉心湯。○有太陽病誤下而痞者，此胃虛客邪上逆也，甘草瀉心湯。○有少陽誤下，心下但滿而不痛者，此痰濕上逆也，半夏瀉心湯。○有心下痞，按之濡，關上脈浮者，此熱邪上盛也，大黃黃連瀉心湯。○有心下痞而復惡寒者，此上有濕熱，下有陳寒，冷熱偏勝也，附子瀉心湯。○大下後復發汗，心下痞惡寒者，表未解也，先用桂枝湯解表，後用大黃黃連瀉心湯攻痞。○本以下之，故心下痞，與瀉心湯痞不解，其人渴而躁煩，小便利者，五苓散。○有心下痞滿，引脇下痛，乾嘔短氣，汗出不惡寒者，此脇下有水氣也，十棗湯。○有外證未除而數下之，利不止，心下痞鞭，表裏不解者，此協熱利痞也，桂枝人參湯。○傷寒吐下不解，心下痞鞭，噎氣不除者，旋覆代赭石湯。○傷寒發熱，汗出不解，心下痞悶，嘔吐而下利者，太柴胡湯。○大抵胸脇痞結，未經攻下而成者，此或痰或食或氣凝滯而然，只須小柴胡加枳、桔以開豁之。曾經下後，此為外邪陷入而為痞結，方可用陷胸瀉心等劑以疎導之。今醫不分曾下未下，見有心下脹滿，便呼結胸，輒與攻下之藥，乃成真痞結也。

結胸

傷寒表證誤下，實邪內陷，則為結胸。故當胸鞭滿而痛也。○凡結胸證，心下鞭滿，短氣煩躁喘滿，心中懊憹，或項強如柔痙狀，或胸中高起，或腹內拒痛，或舌上燥渴，或日晡小有潮熱，或從心下至小腹鞭滿，脈寸浮關沉，為大結胸。大陷胸證也。凡用陷胸湯宜加陳倉米一撮，以曾經誤下胃先受傷，用以護持中氣最妙。若氣弱脈沉遲，不可攻者，理中圓頻與之，甚則少加附子。○心下滿而按之方痛，脈浮滑者，為小結胸，小陷胸湯。○若心下結痛而無熱證，不渴不煩，此寒實結胸也，甘草乾薑湯。未効，枳實理中湯。實人三物白散。○心下怔忡，頭汗出，無大熱者，為水結胸，輕

則半夏茯苓湯重則大陷胸加乾薑。○心下滿而微硬不可按。其人善忘。小便反利而不渴者。此血結也。桃核承氣湯。○心下石鞭。胸前大熱。而脹滿結痛。飽悶氣結者。此食結也。或已下。或未下。並宜調中飲。虛者可用枳實理中。○胸中滿結。脈浮大者不可下。下之則死。此邪猶在表也。先與桂枝湯解表。俟表證已然後攻之。○若未經下者。非結胸也。雖有胸脇痞滿。只宜小柴胡加枳桔。或加桂枝和解之。○誤下之初。覺結胸證見。急宜理中湯服。此湯便可解散。如未解。候日足再下之。○凡結胸有兼發黃發斑發狂發呃發噎者。最劇結胸證具而煩躁者。死。結胸二三下之不退者。死。喘急直視昏憤。厥逆手足冷。或下出稀水糞者。皆不可治。大抵結胸之脈沉緊滑實者。乃可攻之。若沉微細小者。決難救矣。

藏結

病如結胸狀。飲食如故。時時下利寸脈浮。關上小細沉緊。而無陽證。不往來寒熱。其人反靜。舌白胎滑者。藏結也。盧子錄言。藏結舌上胎白滑。滑者純陰之極。不可攻也。蓋古乃心之苗。紅赤是正色。胎白而滑。如物入水中。色剝而白也。按藏結一證。昔人以仲景言。舌上白胎滑者難治。又謂不可攻。復云此名藏結。死遂至置而不講。殊不知仲景所謂舌白胎滑者。以其仍有熱邪內結。所以生胎。若無邪結。則胎不生矣。只因裏氣素虛。不能蒸熱。故無陽證。發見舌胎亦不得乾燥。以其本虛邪結。故為難治。非真不治也。謂不可攻者。以其飲食如故。知邪不在胃也。時時自利。其腸中亦無留結也。邪既不結於腸胃。攻之無益。徒伐元氣耳。至於素有痞積。又加邪結。新舊兩邪相搏。不解故死。雖然未可概為死證。而委之不救也。喻嘉言曾舉黃連湯。余嘗用連理湯治之。亦有能食自利。腹脹急者。用備急丸有腹痛引脇下不可按者。用附子瀉心湯。有素有痞積。痛引陰肋者。用四逆湯加黃桂等。往往獲效。貴在臨證治法耳。

腹滿

陽邪傳入太陰則腹滿。凡人胃氣調和。則營氣從中焦上蒸於肺。脾氣不運。則營氣不能上蒸。或從鬱火而滯於左脇。或協痰濕而凝於右脇。或隨糟粕而滯於小腹。故脾氣衰憊之人。腹脇常鞭滿也。凡腹脹滿而漫腫虛大者。屬氣滯。腫鞭光亮者。為水結。少腹濡腫而痛。有青紫筋膜絆於腹皮者。為瘀積也。○腹滿不減。按之痛者為實。承氣湯下之。○腹滿時減。按之不痛。為虛。理中湯溫之。病人自言腹滿。他人按之不滿。此屬陰證。切不可攻。攻之必死。四逆

湯溫之○氣口脈微弦法當腹滿不滿必使難兩胠疼痛此為虛寒從下上也當溫之金匱大建中湯○陽明病發熱腹滿微喘口燥不大便或嘔語者大柴胡湯○少陰病咽乾腹滿六七日不大便或下利純清水為陽熱亢極急下之大承氣湯○病腹滿發熱下餘日脈浮數飲食如故此風熱內陷也厚朴七物湯○腹中寒氣雷鳴切痛胸脇逆滿嘔吐附子粳米湯○汗後腹滿當溫之厚朴生薑半夏甘草人參湯○吐後腹滿宜下之調胃承氣湯○下後腹滿宜吐之梔子厚朴湯○腹滿身重面垢遺尿白虎湯○大抵陽熱為邪則腹滿而咽乾陰寒為邪則腹滿而吐利食不下若曾經汗吐下後腹滿者治各不同也

腹痛

胸痛屬表邪內陷脇痛屬半表半裏證若腹痛則純屬於裏但有傳經直中之殊蓋陽邪傳裏與正氣相搏而痛其痛不常而滿腹攻攪此猶帶表邪當以小建中和之因誤下陽邪陷入太陰而痛虛則桂枝加芍藥實則桂枝加大黃○陰寒在內而痛者則痛從臍下注少腹繚繚無休止時欲作利也當以四逆輩溫之○有燥屎宿食而痛者則煩躁不大便腹滿鞭痛是也當以三承氣攻之○下之太過而痛者則時劇時輕却喜溫按當用理中金匱大建中溫補之○少陰病腹痛四逆或絞或悸或小便不利或泄利下重四逆散清解之○胃中寒熱不和腹中痛欲嘔吐者黃連湯和之○中脘痛者屬太陰當臍痛者屬少陰少腹痛者屬厥陰○經曰諸痛為實下之則痛隨利減此言陽邪傳裏而痛也又腹為陰寒邪入內必先腹痛下利此言陰寒內結而痛也○凡腹痛喜得溫按而痛無休息者為直中陰寒若時痛時止而喜按揉者為傳經壞證皆宜溫之痛不可近而鞭滿者為實結痛不可近而濡軟者為畜血皆當下之此陰陽虛實血氣之大端也

小腹痛

小腹痛者為裏證與胸脇滿之屬氣不同太陽風傷衛不解渴而小便不利邪熱犯本五苓散太陽寒傷營失汗執結膀胱如狂小便自利小腹急滿結痛桃核承氣湯○尺中遲弦少腹濡滿痛不可按小便反利亦有難治者為畜血代抵當湯○太陰身黃脈沉小腹痛小便不利茵承薑湯○陽明府實小便短赤大便祕結小腹痛滿大承氣湯○陰證初起自覺小腹痛腰腹痛手足厥冷者真武湯○若冷結膀胱關元而陽氣不化小便不通者不可誤認

溺閉而與利水藥宜先灸太陰穴然後溫補若灸後手足不溫者不治○又有陰陽易病小腹引腰膝小便不利者道遠湯下燒視散○病人素有痞氣連在臍旁痛引入陰筋者名臧結難治四逆湯加吳茱萸肉桂

識語

經曰邪氣盛則實精氣奪則虛故實則識語虛則鄭聲傷寒胃中熱甚上乘於心心為熱胃則神識昏迷妄有所見而言輕者睡中呢喃重者不睡亦語○有識語者合目自言日用常行之事是熱未至於甚也獨語者如見鬼狀若劇者發則不識人語言不休者又其甚也言亂者謂妄言罵詈不避親疎神明已亂也狂言者大開目與人言所未嘗見之事此邪熱之最劇者凡此見其熱之輕重也○脈來沉實或數盛有力二便秘濇燥渴識語狂妄腹脹滿潮熱自汗或下利純清水或心腹鞭痛或過經不解皆當下若下後熱不止或喘滿氣逆而上奔或泄利氣脫而下奪皆逆也○大抵熱入於胃水涸燥結必發識語皆為實有被火劫取汗而識語者有亡陽識語者此為虛也○發汗多亡陽識語身自和不可下柴胡桂枝湯和之○火迫識語者津液內竭火熱侵耗所致也桂枝甘草龍骨牡蠣湯○得病無熱但狂言煩躁不安精采不與人相當此熱結在膀胱五苓散水調探吐之或加知母甘草名桂苓飲○得病無頭痛不惡寒但身熱發渴小便利大便黑口出無倫語此熱在心脾當歸活血湯○當汗失汗識語事忌甚飢漱水身黃腹滿如狂者屬瘀血也桃核承氣湯○婦人熱入血室夜則譫語如見鬼狀小柴胡加當歸丹皮○三陽合病譫語面垢遺尿白虎湯○大熱乾嘔呻吟錯語不得眠黃連解毒湯○溫熱病及時疫誤用表藥熱傳三焦識語悶亂者用黃石膏加大黃下之○凡識語無實熱燥結可攻者皆不可治下後識妄雖稍緩仍不止若未見溇糞者為下未盡更下之○諸如此者脈短則死脈自和則愈又身微熱脈浮大者生逆冷直視脈沉細者死

石頑治陳仲吾勞力感寒其人年齒雖高而形體豐盛飲噉兼人濕熱素盛初冬患發熱胸腹脹滿甫四日而舌胎焦黑芒刺痰喘聲嘶識語喃喃不休手足動擲不寧時發呃一二聲二便閉濇脈洪滑搏指右倍於左此濕熱挾邪鬱發下證之最急者遂疏大承氣入鐵漿竹瀝薑汁與之諸賢咸謂日數未久不可便下殊不知濕熱上逆熱若洪水泛濫稍遲則脹透膈膜神丹莫濟矣彼至咸中有善醫者深以余言為然急令煎服連下粘垢二次熱與識語稍止更服小陷胸至四五劑神識始清糜粥倍進半月後頻索醇酒恣噉新橘致痰濕復聚仍痞悶識妄

發熱或欲再進前方。取決於余。診之則人迎小弱。而氣口虛大。按之即無。安有復下之理。況仲景藏語例中。亡陽火逆。皆為虛證。此屬少陽生氣衰微。痰涎沃膽之候。遂與柴胡龍骨牡蠣一劑而安。繼詢善後之策。惟香砂六君理脾運痰為第一義。惜乎龐見韓出。終虧一篑之功耳。

鄭聲

鄭聲者。謂虛而聲轉無力。不相接續。造字出於喉中。若鄭聲之輕怯也。又重語疊出。說過又說。亦謂鄭聲。蓋因汗下後失其正音。精氣衰奪之候。○其脈弦細而微。身有微熱。或寒熱。或嘔逆。大小便自利。而鄭聲者。小柴胡湯。○脈雖微弱而和。手足溫者。生脈散。人參三白湯。○氣息短促。而脈沉細欲絕。附子湯倍參。○若上氣短促。或呃逆不止。神昏不省人事者。死。

發狂

內經云。邪入於陽則狂。邪入於陰則瘖。傷寒熱毒在胃。併於心。使神不寧。遂發狂也。○發狂雖主胃府實熱。亦有屬經證者。如病人不欲食。小便自利。大便自調。脈來緊盛。骨節煩疼。翕然如有熱狀。奄然發狂。澌然汗出。而解。此陽明經熱。欲作汗而狂也。不必用藥。宜頻與薑湯。助其作汗自解。○病人熱甚。脈來數實。欲登高。棄衣。狂妄罵詈。不避親疎。蓋陽盛則四肢實。實則能登高也。大承氣湯。○頭痛不解。熱結膀胱。其人如狂。而血自下者。愈外已解。但少腹急結。脈沉身黃。脅焦漱水。小便自利者。此為畜血如狂。挑核承氣湯。○凡溫病熱病時疫熱毒內盛。脈大腹滿。便秘發狂者。並宜承氣合黃連解毒湯。若脈浮兼表證者。涼膈雙解三黃石膏。或大承氣加薑棗。皆能發汗解表也。凡溫熱時行。發狂得汗者。生不得汗者。死。脈小脈逆者。不治。○有陽厥暴怒發狂者。蓋陽氣暴折。鬱而多怒。則發狂也。大承氣加鐵落。○陰證煩躁如狂。渴欲飲水而不能。或身熱戴陽。手足逆冷。脈沉細。或虛大無根。附子湯火熾散。霹靂散選用。○若陽狂直視。便溺自遺。與汗後大熱。脈躁狂言不食。皆不治。

發斑

夫熱則傷血。血熱不散。裏實表虛。熱氣乘虛出於皮膚。而為斑。輕則如蚊跡。甚則如錦紋。或病本屬陽。誤投熱藥。或當汗不汗。當下不下。或汗下未解。或冬溫誤用麻黃助熱。或溫病誤用辛溫發表。皆能至此。慎不可發汗。重令開泄。

更增斑爛亦不可輕下以其熱毒散漫於外也惟大便秘躁渴色紫者可微下之○凡汗下不解足冷耳聾胸中煩悶欬嗽嘔逆躁熱起卧不安便是發斑之候○凡斑欲出未出之際慎不可用寒涼攻熱恐傷胃氣必作嘔噦也○發斑皆失於汗下熱毒內攻不得外散蘊於胃府而發出肌表宜先與升麻黑參甘草煎服甚則升麻湯加犀角黑參若斑已出不宜再行升發始發又不宜便下恐毒內陷也若熱毒勢甚咽痛心煩狂言悶亂者犀角黑參湯咽痛可加牛蒡子薄荷之類若斑發已盡外勢已退內實不大便譫語小刺涼膈散或大柴胡微下之○溫熱病胃熱發斑錯語神昏熱甚而下證未全者黃連解毒湯加犀角黑參大便秘者涼膈合五苓去桂加滑石未經下而胃熱發斑者白虎加人參湯熱勢甚者合解毒湯時疫發斑憎寒壯熱頭疼骨節痛拘急滿悶初出尚有表證者白虎湯○溫毒發斑如錦紋者犀角大青湯脈虛熱甚去苓槳升麻加人參生地柴胡即消斑青黛飲○陽毒發斑狂言下利咽痛面赤斑如錦紋陽毒升麻湯脈虛熱甚白虎加人參湯脈洪大不知人者三黃石膏湯○內傷寒發斑者此因暑月受涼并傷冷物內外皆寒逼其暑火浮游於外而發斑也其候寒熱間作或鼻中微衄脈來沉瀉皮膚殊無大熱斑亦無多宜頻與調中飲若虛極自利身熱為必死證用補中益氣湯多有得生者○陰證發斑者狀如蚊迹蚤痕手足多而胸脇少頭面背上陽部殊無其色淡紅久則為微黃身雖有熱而安靜脈來沉細以其人元氣素虛或先因愁事傷腎或誤服涼藥太過寒伏於下逼其無根之火聚於胸中薰灼肺胃傳於皮膚而發當用理中去木加附子霍香升麻橘皮甚則通脈四逆湯然多不救○凡斑紅赤者為胃熱紫者為胃傷黑者為胃爛也大抵鮮紅起發者吉雖大不妨稠密成片紫色者五死五生雜色青黑者十死不一生矣凡斑既出須得脈洪數有力身溫足暖者易治若脈沉小足冷元氣弱者多難治○凡狂言發斑大便自利或短氣燥結不通而黑斑如果實贗者皆不可治

許叔微治一人內寒外熱而發斑六脈沉細肩背胸脇斑出數點隨出隨隱旋更發出語言狂亂乃陽為陰逼上入於肺轉之皮毛故錯亂如狂非讖語也肌表雖熱以手按之須臾冷透如冰與薑附等藥數服後得大汗而愈滑伯仁治一人身大熱脈沉實而滑四末微清以燈燭之遍體皆赤斑舌上胎黑而燥裂芒刺神昏識妄以小柴胡加知母石膏一夕連進三服次用大承氣下之而安 呂滄洲治一人脈虛自汗誤與真武湯遂至神昏時

時熱睡脈伏不至而肌熱灼指此營業致斑之候非陽病陰脈之比先與白虎加人參湯化其斑後以桃核承氣湯發黃

發黃者陽明裏熱極盛熱鬱留飲不散濕熱相搏而成大抵濕熱蒸太陰脾土色見於外必發黃也經曰濕熱交併民多病瘴濕氣勝則如熏黃而晦熱氣勝則如橘黃而明傷寒發黃熱勢已極且與畜血相類但小便不利大便實而渴者為發黃小便自利而不渴者為畜血也凡白睛微黃而頭汗及環口汗出便是發黃之候○凡小便利大便黑其人如狂頭汗發渴身黃如橘為瘵熱但胸脇痛者庫角地黃加大黃茵陳小腹痛者桃核承氣加茵陳○一身盡痛發熱頭汗口渴小便不利身如重黃為濕熱五苓散加茵陳腹微滿者茵陳蒿湯○太陽病失汗一身盡痛頭汗發熱而黃麻黃連軀赤小豆湯○發熱小便不利而渴者梔子漿皮湯○若肢體逆冷嘔悶自利胸中氣促舌上胎滑脈沉細而晦此陰黃也四逆加茵陳有食更加枳朮橘半草豆蔻○下後發黃為脾土受傷熱去而濕在也理中湯加茵陳若外有微熱者五苓散○暑月汗閉發黃五苓散用桂枝加茵陳香薷○溫毒時行發黃茵陳蒿湯發黃兼發斑者茵陳蒿草龍膽犀角升麻等分煎服名茵陳犀角湯○濕家一身盡痛不能轉側身黃脈沉細而遲四肢厥冷怠惰少氣為寒濕白朮附子湯○陰黃寸口近掌無脈口鼻氣冷者死形如烟熏搖頭直視環口黧黑柔汗發黃皆真藏氣絕也

許叔微治一舟子傷寒發黃鼻內酸痛身目如金小便澹而大便如常或欲用茵陳蒿湯許曰大便如常則知病不在藏府眼疼鼻酸痛此病在清道若用大黃必腹脹為逆以瓜蒂散含水搐鼻中黃水盡乃愈

不大便

大便不通者陽明內實也因發汗利小便過多致津液耗損腸胃乾燥而轉屬少陽陽明者多矣其人發渴譫語脈實狂妄潮熱自汗小便赤或小腹硬痛舌胎黃黑乾裂並宜三承氣選用凡欲攻之當先與小承氣服後轉失氣者與大承氣湯○傷寒不大便六七日頭痛有熱多汗小便黃赤者此裏熱蒸陽明調胃承氣湯小便清者知邪熱不在裏不可下○陽明證具而脈浮或發熱者為表未盡小柴胡和之○嘔多雖有陽明證不可下○脈浮而惡寒者雖不大便猶帶表邪未可便下○大便難小便少不轉失氣攻之必初鞭後溏俟結定乃可攻之○陽明脈浮